

Melaka wujud Muzium al-Quran pertama di Malaysia

MELAKA 11 Okt. - Muzium Al-Quran yang pertama di Malaysia diwujudkan di Melaka dalam usaha menjadikan negeri ini sebagai pusat pendidikan, penyelidikan dan rujukan tentang al-Quran.

Muziumn yang terletak di Fasa II

Kompleks Al-Aziz di sini, antara lain mengetengahkan seni mushaf acuan Malaysia melalui pameran al-Quran dan juga manuskrip-manuskrip lama untuk tatapan orang ramai.

Menurut Ketua Menteri Melaka, Datuk Seri Mohd. Ali Rustam, penubuhan muzium itu diharap dapat meningkatkan lagi pemahaman me-

ngenai al-Quran di kalangan masyarakat Islam.

"Ini adalah satu usaha yang baik dalam kita bersama-sama mengupas dan mengkaji al-Quran yang diturunkan Allah untuk membimbing umat Islam ke jalan yang benar.

"Di dalam al-Quran terkandung banyak maklumat jika kita sentiasa berusaha mengkajinya," katanya pada Majlis Pemashyuran Muzium al-Quran di Kompleks Al-Aziz hari ini.

"Muzium yang dijangka siap sepenuhnya pada Julai tahun depan ditubuhkan dengan kerjasama Yayasan

Restu dan kerajaan negeri Melaka, merupakan muzium yang ke-20 di bawah pentadbiran dan pengurusan Perbadanan Muzium Melaka (PERZIM).

Antara pengisian pameran di muzium itu ialah peragaan beberapa koleksi al-Quran lama Nusantara, koleksi khas 'Ain' at-Taqwa, seni mushaf al-Quran dan seni mohor.

Mohd. Aliberkata, kewujudan muzium itu akan menambahkan lagi produk pelancongan di negeri ini yang berteraskan Islam di samping sebagai strategi dakwah kepada para pengunjung.

Selain itu, tambah beliau, penubu-

han muzium itu juga memberi banyak faedah kepada rakyat menerusi program-program yang dirancang dijalankan di situ.

Katanya, antara program yang boleh dijalankan termasuklah kursus jangka pendek penulisan khat, kelas tulisan jawi, kelas al-Quran serta kelas mengkaji ilmu yang terdapat dalam al-Quran.

"Semua ini selaras dengan hasrat kerajaan untuk memastikan umat Islam terutamanya generasi muda lahir sebagai umat yang khatam al-Quran dan mengetahui isi kandungannya," ujarnya.